

REGIONAL NEWS BULLETIN

HEADLINES (MORNING)

1. Sinlung Hills Council inthlanna nimina neih zawh takah MNF in sawrkar an siam dawn.
2. Chief Minister Pu Lalduhoma chuan Aizawl district Settlement pisa chu mipuite mamawhna avangin Aizawl North leh Aizawl South ah then a ni dawn a ni, a ti..
3. President Draupadi Murmu-i chuan dan rorelna chuan ramin nunphung dik leh tha a neihna kawnga hmalaknaah tha a tichak tur a ni a ti
4. US President 47-na inthlan neih mek a ni



SHC POLLS

Sinlung Hills Council inthlanna bial 12 a polling station 38 a vote nimina vote thlak naah vote zaa 71.69 a tla a, hriat theih chinah MNF party in seat 12-ah 7 an la a, rorellai ZPM in 3 an laa, Congress Party in seat 1 an la a ni

Sinlung Hills Council inthlanna bial 12 a polling station 38 a vote nimina vote thlak naah vote zaa 71.69 a tla a, hriat theih chinah MNF party in seat 12-ah 7 an la a, rorellai ZPM in 3 an laa, Congress Party in seat 1 an la a ni

MNF Party leh HPC ® tangdun hian Ratu, Zohmun, North Tinghmun, Saiphai, Vanbawng leh Sakawrdai North leh Sakawrdai South an la a. ZPM leh HPC tangdunin Phuaibuang, Suangpuilawn leh Saipum la in, Congress Party in Khawlian ah seat an la a, New Vervek hi eng engemaw chinfel ngai a la awm avangin result hi nemngheh a la ni lo a ni.

Inthlan buaipuitu State Election Commission atanga thu dawn danin Sinlung Hills Council inthlan vote thlakah hian vote nei mi 23,789-te'n candidate 49-te dinhmun tur an rel fel nghal a. Vote tla hi za zela 71.69 a. Kum 2019 a Sinlung Hills Council inthlan hmasak zawkah khan vote tla za zela 72 point 24 a ni. Vote tla-te hi nizan khan chhiar zui nghal a ni a. Bial tina bial hmunpui berah chhiarin bial hmunpui-a ballot bawm a thlen kim hunah zel chhiar tan a ni.

Mizoram State Election Commission Secretary Pu K. Laldinglana chuan Sinlung Hills Council inthlan chu tluang taka neih zawh a nih tak thu a sawi a.

Mizoram State Election Secretary chuan inthlan hi nimin zing dar 7 a neih tan a nih thu sawiin critical polling station-ah te pawh buaina leh harsatna thleng a awm loh thu a sawi a, vote tla pawh an beisei ang taka a tlak that thu a sawi. Inthlanna felfai leh maunawm tak neih a nih avangin he inthlana duty zawng zawngte, mipuite leh political party tinte lakah State Election Commission chuan lawmthu a sawi a ni, a ti.

(Desk/Corr)



CHAMPHAI

Nizan thimhlim, dar 6.30 vel khan Champhai Electric Venga chenna in pakhat chu tek in a den vanga ni a hriat in, a kang a, bungraw chuh hman lohvin a kangral vek a ni.

Champhaia kan corr sawi danin, kangmei chhuah hun hi, ruah nasa tak leh tekin Champhai a tuam lai vel a ni a, kangmei Fire Station leh mipui tangrualin theihtawp chhuahin an thelh a, amaherawhchu eirawngbawlina gas cylinder pahnih a puah avangin, kangmei hi thelh a harsa a, bungruate chuh hman a ni lova, thi leh hliam erawh an awm lo a ni.

Kan corr report lo ngaithla ang.

VC

(Desk/Corr)



E-RAM PORTAL

Land Revenue & Settlement department awlsam taka mipui-in an dawr theihna tur online service portal, e-ram ti a vuah (Development of Comprehensive & Integrated GIS based System for Maintenance and Management of Land Records in Mizoram portal) chu nimir khan Chief Minister Pu Lalduhoman a hawng a,

Hawna thu sawiin Pu Lalduhoma chuan Aizawl district Settlement pisa chu mipuite mamawhna avangin Aizawl North leh Aizawl South ah then a ni dawn a ni, a tiram buai tam takte rang zawka ngaihtuaktu tur Revenue Court siam a nih dawn thu leh surveyor indaih lohna avanga mipui harsatna sutkian na'n empanel survey firms system kan kalpui a nih dawn thu a sawi a. He'ng thil tihpuitlinna tur atan hian sorkarin hriattirna a chhuah tawh thu a sawi baw a ni.

Chief Minister chuan, Sawrkarna an chelh tan ni-ah Right to Public Services Act chu tha zawka kalpui tur leh chumi kaltlanga service tam zawk pe turin an intiam niin a sawi a. Ni za chhungin an tihlawhtling niin a sawi baw. Mipuite'n an lungawi lohna an thlen zung zungna tur Public Grievances & Redressal portal changkang tak - Mipui Aw thar pawh an hawng baw tih a sawi a. Hun a lokal leh deuhva, Sustainable Development Goals Dashboard leh Project Monitoring Committee Dashboard an hawng leh a. Vawiinah mipuite dawr nasat em em Revenue hmalakna tichaka tiawlsamtu tur e-ram an hawng leh ta a ni, a ti.

e-ram portal hi Ministry of DoNER, Science & Technology Section sum cheng vaibelchhe 6 leh nuai 4 atanga thawh niin, a bul tan na'n hian pilot project angin Aizawl district hnuai a ram chhinchhiahna leh leh thil kal mekte kalpui phawt a ni ang. In hmun dilna, periodical patta, land lease, house site leh hming thlakte a bul tan a ni ang a. A tahtawlin Revenue Department service 27 te chu he portal-ah hian bilh tel vek tura ruahman a ni. A portal address chu eram.mizoram.gov.in a ni a, a hman thiam lo te tan Common Service Centre (CSC) kal tlanga hman theih a ni dawn a ni.

Land Revenue & Settlement minister Pu B. Lalchhanzova, pawhin thusawiin, he hmalakna hi sorkar hmasa-in bul a lo tan tawh a nih thu leh an theih ang angin an umzui a, siam that chhoh zel ngai tam tak a la awm ang tih hre chungin an hawng ta phawt a ni, a ti a ni.

(DIPR)



ELECTRONIC WASTE

Mizoram Pollution Control Board chuan electric hman bungraw hlui hlawn tawh te, duh duh dan a theh thang chu sorkar dan kalh a nih thu an sawi.

Mizoram Pollution Control Board Scientist "C" Dr. Lalramnghaki Pachuau chuan electronic waste a telh theih Mobile Phone, TV, Fridge, washing machine leh a dangte chu mihringte bakah thil nung dangte hriselna atana hlauhawm an chan theih avangin bawlhhlawh dangte ang a thehthang mai lova a hranpa a fimkhur taka thehthang a ngaih thu a sawi a, Sorkar laipui pawhin hemi chungchangah hian dan khauh tak a zam thu a sawi baw.

(Byte)

Mizoram Pollution Control Board chuan electronic waste thehthang chungchangah mipuiten fimkhur tak leh uluk zawka heng bawlhhlawh te hi kan thehthang a ngaih thu an sawi a, heng electronic waste-te hi Central Pollution Board-in a, a la khawmtu tura a ruat, anmahni a in register collection center-te hnenah chauh thehthang tur a nih thu sawiin Mizoram-ah pawh collection center pahnih Caro Samba Falkland Aizawl leh Hula Deb Tlangnuam Aizawlah te a awm thu an sawi baw. Electronic waste recycling ti tute hian Mizoram Pollution Control Board nena tangkawpin mipui zirtirna pawh hmun hrang hrangah an kalpui mek a, anni hian electronic waste hrang hrangte an dawng zel thei a ni.

(VC)

(Corr)



BMC TRAINING

Mizoram State Biodiversity Board chuan nimir khan Biodiversity Management Committee (BMC) Member-te tan Capacity Building & Training a buatsaih.

Capacity Building & Training-ah hian Mizoram chhunga BMC thlanchhuah 12 atangin member 24 an tel a, heng BMC te hi – Kawnpui-I BMC, Khawbel BMC, Khamrang BMC, Leng BMC, North Lungleng BMC, NE Tlangnuam BMC, Phulpui BMC, Sailulak BMC, Sairep BMC,

Teikhang BMC, Keifang venglai BMC leh Pangzawl South BMC te an ni a. Heng BMC te zinga bank account hawng tawh BMC 4 hnenah Forest Minister Pu Lalthansanga'n hmalakna atana bul an tanna tur Rs 20,000/- theuh a hlan a, BMC dangte pawhin bank account an hawn veleh pawisa hi an dawng dawn a ni.

BMC member kalkhawmte hmaah fuihna thuchah sawiin khuallian Pu Lalthansanga chuan BMC mawhphurhna leh hnathawh tur hi a tamin a zau hle a, nungchate leh ramngaw humhalh kawngah sawrkar tha tichak a, mipuite rilru puthmang a dik zawnga kaihhruai kawngah an tangkai hle dawn tih a sawi a, an pawimawhna hria a theihtawp chhuah turin a chah a ni.

(DIPR)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



PRESIDENT MURMU ON BUDDHISM

President Draupadi Murmu-i chuan dan rorelna chuan ramin nunphung dik leh tha a neihna kawnga hmalaknaah tha a tichak tur a ni a ti. Nizana Rashtrapati Bhavan-a Supreme Court lehkhabu siam pathum a tlangzarhnaah he thu hi sawiin Pi Murmu-i chuan Supreme Court-in India mite thinlung hawizawng mila zung kaih tlat rorelna a kalpui thin a ti a. Hetianga court-in ro a relnaah hian intluklanna leh rorelna dik leh lai neih chu anmahni kaihruiatu ni fo sela a duh thu a sawi a. Kum 75 chhunga ramchhung court sang berin thil tha tak tak a tichhuak thin chu lawmawm atih thu President Murmu-i chuan a sawi a ni.

(Byte)

Nizana lehkhabu tlangzarh te hi Justice for the Nation: Reflections on 75 years of Supreme Court, Prisons in India: Mapping Prison Manuals and Measures for Reformation and Decongestion leh Legal Aid through Law Schools : A Report on working of Legal Aid Cells in India tihte a ni a.

Chief Justice of India Justice DY Chandrachud pawhin thusawiin thil thleng tak tak hmuhchian loh chuan dan leh policy te hian tawp chin an nei thin a ti a. An lehkhabu tlangzarh takte chu langtlang taka rorelna tilangtu a ni a ti baw.

(Newsonair)



WINTER SESSION

November ni 25 atanga December ni 20 thleng Parliament thlasik thutkhawm neih a ni dawn. Union Parliamentary Affairs Minister Kiren Rijiju chuan vawiin khan social media ah he thu hi a puang a. Pu Rijijua chuan November ni 26 hi ram danpui pawm anih champha vawi 75-na a nih avangin Samvidhan Sadan Central Hall ah lawmna hun buatsaih a ni ang a ti baw.

(Newsonair)



US PRESIDENT

US President 47-na inthlan neih mek a ni a. President inthlan hi Republican candidate leh President hlui Donald Trump leh Democratic candidate leh Vice President nilai Kamala Harris ten an chuh a. US-ah hian timezone hrang hrang a awm avangin inthlan hi India Sanaa tukin dar 5:30 leh 9:30 inkarah zawh fel beisei a ni a. Vote te hi chhiar nghal a ni ang.

US President inthlana tling tur hian Electoral College 538 atangin vote 270 hmuh a ngai a. Kum 2020 inthlanah khan vote thlak zawng zawng kha zaa 66 an ni a. Tun tum inthlanah hian candidate pahnihte an inbei taw hle tura ngaih a ni.

(Newsonair)

